

Editorial Charuba ta yama Bonbini na Roi Colastica!

ORANJESTAD (AAN): Diaranson awor dia 19 di september, e conocido autor di buki pa mucha ta presenta su prome obra literario na Hulandes. Esaki ta un buki dirigi riba hoben riba 14 aña. E tema principal di e obra literario aki ta e asina yama “gang-vorming”. E caracter principal den e buki ta pasa den problemanan manera divorcio di mayornan, peer pressure, violencia domestico y mas.

E hoben masculino ta hañ’e ta scoge y memey di tur e

problemanan social menciona e ta tuma e decision corecto cu ayudo di un amistad di e otro gang, cu no ta e esun di dje! E buki aki ta hopi bon y a worde hopi bon ricibi tanto na Hulanda como na Corsou y Boneiro.

Awor ta toca turno na Aruba pa yama Bon Bini na e autor y contado di cuenta Roi Colastica. E ta bishita Aruba cu frecuencia y no ta un desconoci den e mundo literario. Diferente biaha Roi Colastica a forma parti di e Festival di Buki di Mucha



y a sa di yena salanan na Biblioteca di Playa y di San Nicolas cu su presentacionnan unico. Tambe na Cas di Cultura Roi Colastica a yega di presenta cu su “One Man Show”, di cual Alydia Wever y Tica Giel tabata su “guest starnan”.

Editorial Charuba, Des Croes y Alice van Romondt, hunto cu un comision consistiendo di e conocido autor Desiree Corea, bibliotecaria hubenil Olivia Figaroa, bibliotecario Irais Sankatsin-Nava y Susan de Lange a prepara un programa di bishita di traboo pa Roi Colastica na Aruba.

Lo presenta e buki den forma oficial riba dia 19 di september pa 7’or di anochi den Patio di Fort Zoutman.